

AUGURENDE SOS ISPOSOS

sos isposos novellos, tantu bene
Cuncedat, su divinu redentore.
Beneigat s'insoro sacru amore,
A gustu e piagher'e cantu crene.
Tenzan pro prima fizzly, umu fiore
Siat su antu de Roma e de Atene .
Nascat prus sabiu e dotu de Platone,
Siat, sa fama e onzi nassione

Cuntentos che a oe, ambos umpare
Custa vida terrena la passedas
Un'ora de anneu non tenzedas
De bos poder sa gioia leare
Butios d'abba cantu hat su mare
Gai bona fortuna bois lobredas
Chin cuntentesa passedas sos annos
Sanos, sempre umpare, a bezzos mannos.

SU GIAGANEDDU

ES TORRADA SA FESTA.

Torreat sa festa e torreat su giocundu
Momentu de recreu, ispassu e giogu.
Benit istranzos, dae onzi logu
Cantende, in tonu sardu, a ballu tundu.

Es festa namus totu, sos bighinos,
Nostra sennora est'oe, in bidde mia.
C'hat musica, cuncursu e poesia,
Giostra, fogos de art e ballarinos.

M

Mudadas sumu tottu sas carreras
Iscalinadas, piatas, istradones.
Riende sun'a festa sos balcones
Dae lughes, de rosas e lumeras.

Galanas bejaneddas, paren fadas,
Totta die in s'istrada, a fal'e piga.
Sas amigas, astringhene a s'amiga
E sunu tott'amore, sas miradas

Chittè pesadu chitto, si es compare,
Dae puddiles, chirchend' a Donosa.
Pro li fagher regalù, e carchi cosa
Id cheret, Pro sa festa cumbidare.

A bol'istesu s'iden, sos puzzones
Cantende, chin suave melodia.
Sos poettas, c'han dadu poesia
Sun lezende a boghe sas cantones

Est'incantu, consolu e cuntentesa,
Ider bezzones, torrados in brios,
Batias sun'a truma, chin batios
Tott'in su ballu nostru, a manu tesa.

Paragonende onzi cosa bella,
faghet ispicu, sa portessione.
Unida, ripetende crassione
Sos anzianios, chin zente novella.

O dies santas chi faghen godire
Recreu, a su tristu coro umanu
Maria, chin sa tua fida manu
Potas, su mandu in paghe cunvertire.

Virgin'e su remediù, consola
A tottu, ma de pius su comitadu.
Su chi tantu ses sempre interessadu,
Pro d'onorare in terra sardigiola.

LODES A MARIA

MARIA e su REMEDIU giamada
Ses, da tottu sa zente pregadora.
A fideles e atteros ancora
Tenes benignia, sa tua mirada.
Ses in sos altos chelos coronada
De anghelos custodes, a donz'ora
Naro biadu e felice a chie
Sezit, in paradisu, accurz'a tie.

Perdonami biada, si peccare
Dia, chena lu cherrer ne ischire.
Però contivizzosu dev'istare,
Pensende dae su malu de fuire.
No est prudenzia, a s'abbituare
Fagher peccadu, poi a si pentire.
Abbizzu devo esser, sempre attentu
A osservare, su cumandamentu.

Gherradores rebeldes e bragosos,
C'han'infideli: su faghene insoro.
Prenos de vanidade, ambiziosos,
Chi toccan de s'onestu su decoro.
Pro los torrare in sestu, generosos,
Tue sennora; padurchilis su coro.
In modu fust s'odiu, su fele
Dae s'omine barbaru e cudrele.

Tue sanas feridas e anneos,
C'has divina grandesa e ses incantu
Sos cori duros, de peccados reos,
Perdonas, chin carigniu dulce tantu
Tue s'affannu mudas in recreos
Ca ses mama amorosa e tottucantu.
Ses casta, immaculada e beneita,
Poderosa, de gloria infinita.

Funtana bundanziosa, de salute
Ses tue, a s'intera umanidade.
Ispigiu luminosu de vertude,
Lughe giara, de santa veridade.
Riparu e s'infelice zente rude,
Reina de pureza e santidade.
Tue biada Maria, mama & deu
Ses sa padrona, de su mundu intre

SU GIAGANEDDU